

U skladu sa Programom rada Federalnog zavoda za zapošljavanje za 2012. godinu i Odlukom Upravnog odbora Federalnog zavoda za zapošljavanje o usvajanju Programa zapošljavanja povratnika u 2012. godini, broj: 01/1-14-1394/12 od 18.07.2012. godine (u daljem tekstu: Program), Federalni zavod za zapošljavanje (u daljem tekstu: Zavod) r a s p i s u j e

JAVNI POZIV

za učešće u Programu zapošljavanja povratnika u 2012. godini

Pozivaju se poslodavci koji su zainteresirani da uz finansijsku podršku zaposle osobe-povratniike prijavljene na evidenciju nezaposlenih prije objavljivanja Javnog poziva da se prijave za učešće u Programu.

Korisnici po ovom programu su poslovni subjekti koji imaju registrovanu primarnu djelatnost u sljedećim područjima:

- Poljoprivreda, lov i šumarstvo,
- Ribarstvo,
- Vađenje ruda i kamena,
- Prerađivačka industrija,
- Proizvodnja i snabdijevanje/opskrba električnom energijom, gasom/plinom i vodom,
- Građevinarstvo,
- Trgovina na veliko i trgovina na malo,
- Ugostiteljstvo,
- Prijevoz, skladištenje i komunikacije,
- Poslovanje nekretninama, iznajmljivanje i poslovne djelatnosti,
- Ostale javne komunalne, društvene i lične uslužne djelatnosti, i to oblast uklanjanja otpadnih voda, odvoz smeća, sanitarne i slične djelatnosti,

kao i samostalni obrti registrirani na području Bosne i Hercegovine, koji redovno izmiruju obaveze po osnovu obaveznih poreza i doprinosa, a zaposlit će osobe iz ciljne grupe nezaposlenih.

U Programu ne mogu učestvovati poslovni subjekti koji su koristili kreditna ili bespovratna sredstva iz poticajnih mjera Zavoda ili

kantonalnoj/županijskoj službi za zapošljavanje a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika ili ne vraćaju redovno dobivena sredstva.

Poticajne mjere

Za Program su osigurana novčana sredstva u iznosu od 1.500.000 KM.

Programom su utvrđeni osnovni iznosi poticajnih mjera za zapošljavanje povratnika, kako slijedi:

Dob nezaposlene osobe	Kvalifikacija	Period zapošljavanja (mjeseci)	Ukupan iznos sufinansiranja (KM)	
			Muškarci	Žene
do 30 godina	bez kvalifikacije	12	1920,00	2.010,00
	III i IV stepen	12	2.250,00	2.370,00
	VI, VII i VIII stepen	12	2.590,00	2.720,00
od 30 do 40 godina	bez kvalifikacije	12	2.010,00	2.110,00
	III i IV stepen	12	2.370,00	2.490,00
	VI, VII i VIII stepen	12	2.720,00	2.860,00
od 40 do 55 godina	bez kvalifikacije	12	2.110,00	2.220,00
	III i IV stepen	12	2.490,00	2.610,00
	VI i VII i VIII stepen	12	2.860,00	3.000,00
preko 55 godina	bez kvalifikacije	12	2.110,00	2.220,00
	III i IV stepen	12	2.610,00	2.740,00
	VI i VII i VIII stepen	12	3.000,00	3.150,00

Osobe koje se zapošljavaju po Programu treba da su prijavljene na evidenciju nezaposlenih prije objavljivanja Javnog poziva.

Osnovni iznosi sufinansiranja se kumulativno povećavaju u procentu (%) koji je utvrđen posebnim kriterijima, bez obzira o kojoj je ciljnoj grupi riječ. (Kriteriji se međusobno ne isključuju.)

Posebni kriteriji u smislu Programa kojima se potiče socijalna osjetljivost su:

- dugoročna nezaposlenost, najmanje 24 mjeseca provedeno na evidenciji nezaposlenih (10%),
- zadržavanje u radnom odnosu sufinansirane osobe: 15 mjeseci (10%), 18 mjeseci (15%) i 23 mjeseca (18%), na neodređeno vrijeme (20%),
- mlada osoba bez radnog iskustva dobi do 30 godina (10%),
- pripadnost romskoj nacionalnoj manjini (10%),
- invaliditet:
 - 60-70% (10%)
 - 71-80% (15%)
 - 81-100% (20%)
 - mentalna retardacija osobe koja je radno sposobna (10%),
- status člana domaćinstva u kojem ni jedan član nije zaposlen (10%),
- status samohranog roditelja, staratelja, hranitelja (5%),
- status roditelja djeteta sa posebnim potrebama (5%),
- status žrtve nasilja: civilna žrtva rata, žrtva nasilja u porodici i dr. (5%),
- status liječenog ovisnika (5%),
- status bivšeg štíćenika doma za nezbrinutu djecu dobi do 30 godina (5%).

Poslodavcu se može odobriti sufinansiranje osoba sa evidencije nezaposlenih čiji broj ne prelazi 50% ukupno zaposlenih osoba u momentu podnošenja prijave.

Osnovni kriteriji za bodovanje zahtjeva za sufinansiranje zapošljavanja

Ocjena zahtjeva za sufinansiranje zapošljavanja vrši se dodjeljivanjem bodova, a na osnovu sljedećih kriterija:

- proizvodna djelatnost
- izvozno orijentirana djelatnost

- (veći) broj osoba koje će poslodavac zaposliti
- broj osoba koje će poslodavac zaposliti na duži period (na 15, 18 ili 23 mjeseca ili na neodređeno vrijeme)
- iznos bruto plaće osobe čije se zapošljavanje sufinansira (veći od zakonski utvrđenog minimuma).

Nakon ocjene zahtjeva utvrđuje se rang lista prema broju ostvarenih bodova, čime se prioritet daje poslodavcima koji namjeravaju zaposliti veći broj osoba, na duži period sa većom plaćom.

Prijava na Javni poziv

Zainteresirani poslodavci se prijavljuju na Javni poziv Zavodu elektronskim putem popunjavanjem aplikativnog formulara na internet stranici:

www.fzzz.ba.

Najbolje pozicionirani poslodavci na rang listi bit će obaviješteni da, uz aplikativni formular, potpisan i ovjeren pečatom, dostave sljedeću dokumentaciju:

- ovjerenu kopiju rješenja iz sudskog registra za obavljanje djelatnosti,
- ovjerenu kopiju identifikacijskog broja,
- broj računa u poslovnoj banci na koji će se sredstva doznačiti,
- ovjerenu kopiju kartona deponovanih potpisa ovlaštenih osoba,
- uvjerenje o izmirenim obavezama po osnovu poreza i doprinosa, original ili ovjerenu kopiju ne stariju od tri mjeseca,
- uvjerenje o prosječnom broju zaposlenih osoba u posljednjih 12 mjeseci,
- odluku o prijemu novih radnika u radni odnos po odobravanju sredstava,
- ovjerenu izjavu:
 - da će osobu iz kategorije povratnika, čije se zapošljavanje sufinansira, zadržati u radnom odnosu najmanje 12 mjeseci, o čemu će dostavljati odgovarajući dokaz (potpisane i ovjerene platne liste osoba čije se zapošljavanje sufinansira, kopiju izvoda iz banke iz kojih su vidljive isplate neto plaća za sufinansirane osobe i specifikaciju plaća ovjerenu u Poreznoj upravi, za svaki mjesec za koji se podnosi dokumentacija, ukoliko su uplatnice zbirne za sve radnike),
 - da neće po Programu (ponovo) zaposliti osobu koju je otpustio u prethodna tri mjeseca od dana objave Javnog poziva.

Ukoliko je poslodavac dostavio potpunu dokumentaciju, Zavod ga obavještava da u roku od 15 dana dostavi:

- uvjerenje o statusu povratnika (općina),
- izjavu osobe koja se zapošljava da je upoznata sa uslovima Programa,
- dokaz o statusu osobe iz ciljne grupe, ako se koriste posebni kriteriji,
- mjeničnu izjavu i bjanko mjenicu za iznos sufinansiranja zapošljavanja do 30.000 KM kao instrument obezbjeđenja radi osiguranja odobrenih sredstava od neopravdanog neizvršenja ugovorenih obaveza poslodavca,
- bankovnu garanciju za iznos sufinansiranja zapošljavanja preko 30.000 KM kao instrument obezbjeđenja radi osiguranja odobrenih sredstava od neopravdanog neizvršenja ugovorenih obaveza poslodavca.

Isplata i pravdanje odobrenih sredstava

Nakon potpisivanja Ugovora o sufinansiranju zapošljavanja, dostavljanja ugovora o radu sa nezaposlenim osoba i kopije Obrasca prijave JS 3100 sufinansirane osobe na obavezna osiguranja putem Porezne uprave, Zavod isplaćuje ugovoreni iznos korisniku sredstava u četiri jednake rate, i to:

- 25% sredstava odmah po potpisivanju Ugovora,
- 25% sredstava po proteku tri (3) mjeseca od potpisivanja Ugovora, a nakon dostavljanja dokumentacije kojom dokazuje da je izvršio isplatu ugovorene plaće u prethodnom periodu,
- 25% sredstava po proteku šest (6) mjeseci od potpisivanja Ugovora, a nakon dostavljanja dokumentacije kojom dokazuje da je izvršio isplatu ugovorene plaće u prethodnom periodu,
- 25% sredstava po proteku devet (9) mjeseci od potpisivanja Ugovora, a nakon dostavljanja dokumentacije kojom dokazuje da je izvršio isplatu ugovorene plaće u prethodnom periodu.

Poslodavac je dužan kvartalno dostavljati Zavodu potpisane i ovjerene platne liste za plaće osoba čije se zapošljavanje sufinansira, kopiju izvoda iz banke iz kojih su vidljive isplate neto plaća za sufinansirane osobe, ako su uplatnice zbirne za sve radnike, i specifikaciju plaća ovjerenu u Poreznoj upravi, do isteka ugovorene obaveze sufinansiranja.

Javni poziv za učešće u Programu ostaje otvoren 30 dana od dana objave, s tim da će se u slučaju nedovoljnog broja prijavi, ponoviti za utrošak planiranih neugovorenih sredstva.

Kontakt telefon i e-mail: 033/562-900 i info@fzzz.ba.